

Hafiz Amir Hodžić
Behram-begova medresa u Tuzli

HAFIZI BEHRAM-BEGOVE MEDRESE U TUZLI

Uvod

Behram-begova medresa u Tuzli, kao najstarija odgojno-obrazovna institucija u sjeveroistočnoj Bosni, i njeni muderrisi, inspirisani kur'anskim ajetima i hadisima Muhammeda, a.s., koji govore o vrijednosti učenja Kur'ana napamet, aktivno promoviraju i motiviraju svoje učenike da krenu putem hifza Časnog Kur'ana. U periodu obnovljenog rada Behram-begove medrese, od 1993. godine do danas, ova odgojno-obrazovna ustanova je promovisala 113 hafiza.

U prošlim brojevima Kapije, godišnjaka Behram-begove medrese u Tuzli, predstavili smo hafize Medrese u periodu od 1993. do 2024. godine. U tom periodu hifz je završilo 107 hafiza. U ovom radu predstavljamo hafize Behram-begove medrese koji su najčasniju titulu stekli u 2025. godini.

Hafizi

108. Hfz. Mensur Kurtić – sin rahmetli Mehmed-ef. i Bejhe, rođen je 1981. godine u Zvorniku, a njegov rahmetli otac bio je imam te je 1985. godine došao na službu u mjesto Palanka, nedaleko od Brčkog.

Osnovnu školu završio je 1996. godine, nakon čega se upisao u Behram-begovu medresu u Tuzli. Po završetku Medrese, 2000. godine upisao se na Filozofski fakultet, Odsjek za engleski jezik i književnost. Kratko vrijeme nakon završetka Medrese radio je i kao profesor islamske vjeronauke u Brčkom. Od 2004. godine radi kao nastavnik engleskog jezika u Drugoj osnovnoj školi u Brčkom. Oženjen je hanumom Azrom i otac je dvoje djece - Hamze i Merjeme.

Prvi počeci hifza, još kao dječak, bili su pred njegovim ocem rahmetli Mehmed-ef. koji je bio imam u Palanci, MIZ Brčko. Intenzivno počinje s učenjem hifza pred svojim muhafizom Emir-ef. Hasanovićem, 24. novembra 2020. godine, a višegodišnji trud kruniše 6. januara 2025. godine pred Komisijom za hifz Rijaseta Islamske zajednice u BiH, kada stiče zvanje hafiza Časnoga Kur'ana.

U Bijeloj džamiji u Brčkom, 8. februara 2025. godine, proučena mu je hafiska dova.

109. Hfz. Dženita Avdić-Hodžić – kćerka Enese Šljivić i Nihada Avdića, rođena je 2000. godine u Tuzli. Svoje osnovno obrazovanje stekla je u Osnovnoj školi "Treštenica" u Banovićima, a potom uspješno završava Behram-begovu medresu u Tuzli, 2019. godine, kao učenica 343. generacije. Trenutno je apsolvent na Fakultetu političkih nauka Univerziteta u Sarajevu, na Odsjeku politologija – međunarodni odnosi i diplomatija. Udata je za Hamzu Hodžića. Živi u Turskoj.

Prve harfove i korake u hifzu je napravila u mektebu kod efen-dije hfz. Mehmeda Mujića te kod hfz. Amene Omerović, a aktivno je počela učiti hifz pred hfz. Nedžadom Vehabovićem.

Dolaskom u Sarajevo, pridružila se Školi hifza Muftijstva sarajevskog – punkt Sultan Fatihove - Careve džamije, kod muhaffiza hfz. Sadrudina Išerića.

U ponedjeljak, 24. 2. 2025. godine, pred Komisijom za hifz Rijasta IZ u BiH proučila je napamet posljednje ajete te tako stekla časno zvanje hafize Kur'ana Časnog.

A u petak, 27. juna 2025. godine, u Sultan Fatihovoj – Carevoj džamiji, proučena joj je hafiska dova.

Dženita je 7. hafiz iz 343. generacije Behram-begove medrese.

110. Hfz. Ahmed Avdić - sin Enesa i Nevrese, rođen je 2005. godine u Tuzli. S porodicom živi u Banovićima.

Nakon završene osnovne škole, upisuje se u Behram-begovu medresu 2020. godine koju uspješno završava 2024. godine. Svoje školovanje nastavlja na jednom od najprestižnijih islamskih univerziteta u svijetu – El-Azhar u Kairu.

S intenzivnim učenjem hifza počeo je tokom školovanja u medresi, pod vodstvom svog muhaffiza Nedžada Vehabovića.

Pred Komisijom za hifz Rijaseta Islamske zajednice u Bosni i Hercegovini, 7. jula 2025. godine, uspješno je položio hifz i stekao časno zvanje hafiza Kur'ana Časnog.

Njegova hafiska dova proučena je u subotu, 30. augusta 2025. godine, u džamiji Islamskog centra u Banovićima.

111. Hfz. Elma Husejnović - kći Edina i Amre, rođena je 2003. godine u Tuzli.

Još u osnovnoj školi isticala se kao superodlična učenica, a svoju ljubav prema znanju nastavila je razvijati upisom u Behram-begovu medresu 2018. godine. Medresu je završila 2022. godine s najboljim uspjehom, kao dio 346. generacije Behram-begove medrese. Trenutno je studentica Ekonomskog fakulteta Univerziteta u Tuzli.

Svoje prve harfove naučila je u mektebu kod Muradif-ef. Mukanovića, imama u džematu Podgorje–Mušići (općina Banovići). Početkom školovanja u Medresi, u martu 2019. godine, započinje učenje hifza pred svojim muhaffizom Amir-ef. Hodžićem, profesorom u Behram-begovoj medresi.

U ponedjeljak, 8. septembra 2025. godine, pred Komisijom za hifz Rijaseta Islamske zajednice u BiH, hafiza Elma je proučila posljednje ajete napamet te time stekla časno zvanje hafize Kur'ana Časnog.

Njena hafiska dova proučena je u Behram-begovoj medresi u Tuzli, u utorak 14. oktobra 2025. godine.

Elma je 5. hafiz/a iz 346. generacije Behram-begove medrese.

112. Hfz. Mirha Čikarić – kći Hasana i Mevlide, rođena je 14. decembra 2003. godine u Tuzli. Osnovno obrazovanje završila je u Kalesiji, gdje je proglašena učenicom generacije.

Svojim primjerom i uspjehom nastavila je i u srednjoškolskom obrazovanju. Godine 2019. upisuje se u Behram-begovu medresu u Tuzli, koju završava 2023. godine, ponovo kao učenica generacije.

Nakon Medrese započinje studij na Stomatološkom fakultetu Univerziteta u Sarajevu, gdje je trenutno studentica treće godine.

Put hifza započela je 17. decembra 2019. godine pred hafizom Edinom Dedićem, poslije je učila i pred hafizom Zubejdom Gobeljić i hafizom Asmirom Imamovićem. Svoje učenje potom je nastavila pred hafizom Amirom Hodžićem, s kojim je hifz uspješno i upotpunila, 24. septembra 2025. godine.

Hafiza Mirha je položila hifz 16. oktobra 2025. pred Komisijom za hifz Rijaseta Islamske zajednice u Bosni i Hercegovini i time stekla časno zvanje hafize Kur'ana.

Hafiska dova joj je proučena u Behram-begovoj medresi u Tuzli u četvrtak, 27. 11. 2025.

Hafiza Mirha je 6. hafiz(a) iz 347. generacije ove časne ustanove.

Zaključak

Behram-begova medresa je u svom obnovljenom radu, od 1993. godine promovisala ukupno stotinu i trineast hafiza, i to: 76 muških kandidata i 35 ženskih kandidata. Dva hafiza su profesori Behram-begove medrese.

Aktivan rad voditelja sekcije hifza u Behram-begovoj medresi, veliki broj učenika koji uče hifz i koji su na putu da steknu časnu titulu hafiza Kur'ana, garant su da će se, uz Allahovu pomoć, broj hafiza tuzlanske medrese, iz godine u godinu, stalno povećavati.

”Učite Kur’an, jer Uzvišeni Allah neće kazniti srce u kojem je Kur’an. Kur’an je Allahova gozba, siguran je onaj ko joj prisustvuje, i neka se raduje nagradi onaj ko voli Kur’an.” (Hadis)